

# *TSHUBA LOBONÉ*

Go siame. A sena ke...[Mokaulengwe a re, “*Sena ke segodisa mantswe sa gago.*”—Mor.] Sena ke sa konokono? Ke a go leboga, rra. [“*Sena ke segodisa mantswe se se tshubilweng.*”] Ee, rra. Go siame. Ke a bona ba ne ba utlwa monyaonyana kwa morago kwa, mme jalo he...Dumelang, ditsala. A lo kgona go nkutlw sentle kwa morago koo? [Phuthego ya re, “Ee.”] Moo go ne ga o khutlisa. Ke a go leboga.

<sup>2</sup> Nna ka tlhomamo ke motho yo o siametsweng, mosong ona, go tla kwano mo seraleng sena, morago ga bopaki jo bo tlötlegang ga kalo bo sena go newa; go leka go—go baya fela go feta ga nnye le se ba se buileng, go tlisa ditshegofatso mo go rona jaaka re akotse mosong ono. Jaanong, ke ne ka lemoga gore bangwe ba bona ba ne ba le thata...

<sup>3</sup> [Tsamaiso ya PA e baka monyao. Mokaulengwe a re, “Ke akanya gore re ile go tshwanela go se baya, sena, mo bogareng, Mokaulengwe Branham.”—Mor.] Go siame, rra. A moo go botoka?

<sup>4</sup> Le bangwe ba banna fano, ka foo ba buileng ka teng, mme gantsi mongwe le mongwe...Sentle, mongwe le mongwe fa godimo fano o ne a na le bopaki jo bo phatsimang tota, jo bo tsetsenene. Ka foo ke lebogelang seo, bopaki jo bo siameng thata joo jwa Morena!

Jaanong re ile go atamela Lefoko.

<sup>5</sup> Mme nna, beke ena, ke ikaletse ka mo pelong ya me gore ke se diegisse batho dioura tse pedi kgotsa tse tharo tsena, ba ntse, ba ntheeditse. Ke lo bolelala gore gobaneng ke—ke dira seo, ditsala. Ga ke a rutega, mme ke kgona fela go bua ka tlhotlheletso. Jaanong, motho yo o nang le thuto, fa ena a tlhotlheleditswe, le ene; fela o kgona go tlhalosa se a buang ka ga sone, ka thuto ya gagwe, a ntshe mafoko a a tlaa dirang batho ba itse se a buang ka ga sone. Ntleng ga thuto, ke tshwanetse ke tseye dikai tsa tlholego mme ke tlhalose ka tlhotlheletso e ke nang nayo. Mme moo go go dira bokete thata, nako tse dingwe, gore batho ba tlhaloganye ka mnannete. Re fitlhela gore ke ne ke tshwenyegile thata ka ga gone go fitlhela ke fitlhela mo Baebeleng gore Modimo o ne a dira ka mohuta o o tshwanang, ka ditsela tse di tshwanang.

<sup>6</sup> Re a lemoga, jaaka Johane Mokolobetsi, fa re sena pego epe ya thuto ya gagwe, mme fong, nako e a—nako e a neng a tswa ko bogareng ga naga, o ne a simolola go bua le phu—phu... phuthego ya gagwe, kereke ya motlha oo. Mme re lemoga ka fa a go buileng ka gone. O ne a re, “Lona losika lwa dinoga.” Lo a bona, seo ke se a neng a se tlwaetse, tlholego le bogare

ga naga; ka mafoko a mangwe, sengwe se se relelang ebole se le jaaka bolele, mme se tsietsa. Jaanong, monna mongwe o sele a ka tswa a ne a kgonne go kwala lefoko lengwe le le neng le tlaa bua gore “baetsisi” kgotsa lefoko lengwe le a ka bong a le dirisitse go tlhalosa seo. Fela Johane o ne a dirisa lefoko “noga.” Ke akanya gore mongwe le mongwe o ne a tlhaloganya se a neng a bua ka ga sone.

<sup>7</sup> Jalo he fong o ne a re, “Lo sekwa simolola go akanya go bua mo teng ga lona, gore, ‘re leloko la *sena* ebole re leloko la *sele*,’ ka gore ke a lo bolelela, Modimo o a kgona ka mantswê ana fano,” lo a bona, lo a bona, eseng mangwe a mangwe a magolo. “Modimo o nonofile ka mantswê ana.” O ne a go tlhalosa ka tlholego.

<sup>8</sup> Mme, gape, “Selepe se tsepilwe mo mading wa setlhare.” Mokaulengwe mongwe yo o siameng yo o rutegileng, ka tlhotlheletso e e tshwanang eo, a ka tswa a ne a rile, “O tlaa gaila.” O ne a re, “Selepe se kwa mading wa setlhare.” Moo go a gaila, le fa go ntse jalo, lo a bona, jalo he o—o ne a itse gore se ne se ntse jalo. O ne fela a na le dikao tseo, gonne kooteng ga a ise a nne le go rutiwa gope.

Mpe re obamiseng ditlhogo tsa rona fela motsotso.

<sup>9</sup> Ke na le dikopo fano tsa thapelo. Mo e leng gore, moo ke bodiredi jwa me, go rapelela balwetse. Ke na le dikopo dingwe teng fano, dikopo dingwe tse di thwadi. Mme ke a itse go na le di le dintsi teng fano. Mme fa go na le bangwe, mosong ono, ba ba tlaa ratang go gakologelwa? Sentle, fa fela lo ka tsholeletsa diatla tsa lona ko Modimong, lo re, “Nna . . .” Jaanong tsholang fela ditopo tsa lona fa re rapela.

<sup>10</sup> Rraetsho wa Legodimo, rona jaanong re atamela Boitshepo jwa Gago, ka Leina la Ngwana wa Gago yo o Boitshepo, Morena Jesu, go kopa mokokotlelo ona, wa mongwe le mongwe wa batho ba ba kwadileng ditopo tsa bone, tse ke nang natso fano mo seatleng sa me. Bogolo segolo morwadi yo monnye yo montle yo neng a kgagolakwa mo kotsing ele, wa mokaulengwe yona. Ke rapelela ngwana yoo, Morena. Mme ke rapelela dikopo tsotlhе tse dingwe. Le tsone tse di leng mo sephiring mo go rona jaanong, fela ko go ene yo o tsholeditseng seatla sa bone; fela Wena o Modimo yo o senang selekanyo, mme O itse boikaelelo bongwe le bongwe le ditopo tsotlhе tsa rona. Re rapela gore O tlaa araba. Ka gore O go soloeditse, re a go dumela.

<sup>11</sup> Mme re a kopa jaanong gore O tlaa tsaya mafoko a mmalwa ana a re tlaa a balang, mme o a tlhotlheletse mo go rona, Morena, jaaka re leta mo go Wena. Mma Mowa o o Boitshepo o atamele gaufi le mongwe le mongwe, mme o re senolele phuthololo ya Lefoko. Gonne re go kopa ka Leina la Jesu. Amen.

<sup>12</sup> [Mokaulengwe a re, “Mokaulengwe Branham, a re ka kgona go dira teko mme re bone fa e le gore go tlaa bereka?”—Mor.]

Ee, rra, mokaulengwe, ithuse fela. Moo go siame. Fa ke santse ke bula jaanong, ke na le . . .

<sup>13</sup> Ne go tlwaetswe gore ke ne ke kgona go gakologelwa Dikwalo tsa me le dilo, ntleng ga go nna le ntl—ntlha, fela esale ke fetile masome a mabedi le botlhano, moo ga go bereke sentle thata. Ke tshwanetse ke go gakologelwe ka go go kwala. Jaanong re ile go . . .

<sup>14</sup> A moo go botoka? A lo kgona go utlwa moo botoka? Nnyaya. Ko morago, ba tshikinya ditlhogo tsa bone. Gongwe . . . [Mokaulengwe a re, “O tshwanetse o eme gone fa pele ga sone.”—Mor.] Ke tshwanetse ke eme . . . [“Gone fa pele.”] Ke gone. Mme mona go tlaa nna jang *jaana*, a lo kgona go utlwa seo? Ga tweng ka ga *seo*, moo go botoka? Go siame thata. Moo go molemo.

<sup>15</sup> Jaanong ke eletsa go ngokela kelotlhoko ya lona ko go—ko go Isaia 42:1-7, le gape ko go Matheo 4:15-16.

*Bonang motlhanka wa me, yo Ke mo tshegetsang; moitshenkedwi wa me, yo mowa wa me wa botho o itumelang mo go ene; Ke beile mowa wa me mo go ene: o tla tlisa katlholo ko Baditšhabeng.*

*Ga a tle go lela, le fa e le go tsholetsa, le fa e le go baka gore lenswe la gagwe le utlwive mo mmileng.*

*Letlhaka le le phitsegileng ga a tle go le roba, . . . lodi le le kukelang ga a tle go le tima: o tlaa tlisa katlholo ko boammaaruring.*

*Ga a kitla a palelwaa le fa e le go nyema moko, go fitlhela a tlhomile katlholo mo lefatsheng: mme ditlhaketlhake di tla letela molao wa gagwe.*

*Go rialo . . . MORENA, ena yo o tlhodileng magodimo, a ba a a phutholola; ena yo o tsharaboltseng lefatshe, le seo se se tswang mo go lone; ena yo o nayang batho senkgwe mo godimo ga lone, le mowa mo go bona ba ba tsamayang mo teng ga lone:*

*Nna MORENA ke go bileditse ka tshiamo, mme ke tlaa tshwara seatla sa gago, . . . ke tlaa go boloka, mme ke go ntshe gore o nne kgolagano ya batho, ka go nna lesedi la Baditšhaba;*

*Go bula . . . matlho a a foufetseng, go ntsha . . . bagolegwa mo dikgolegelong, le bao ba ba dutseng mo lefising ba tswe mo . . . ntlong ya kgolegelo.*

<sup>16</sup> Mme jaanong mo go Moitshepi Matheo 4, go simolola ka temana ya bo 12, re bala sena.

*Jaanong nako e Jesu a neng a utlwa gore Johane o ne a latlhetswe ko kgolegelong, o ne a tloga go ya ko Galelea;*

*. . . a tloga Nasaretha, o ne a tla mme a nna ko Kaperenaume, yo o leng mo letshitshing la lewatle, la dikgaolo tsa Sebulone le Nefethalime:*

*Gore go tle go diragatswe se se neng sa buiwa ke Isaia moporofeti, a neng a re,*

*Lefatshe la Sebulone, le lefatshe la Nefethalime, go bapa le tsela ya lewatle, kwa moseja ga Jorotane, Galelea wa Baditšhaba;*

*Batho ba ba neng ba dutse mo lefifing ba ne ba bona lesedi le legolo; le bone ba ba dutseng ko dikarolong tsa meriti ya loso lesedi le tlhabile.*

*Go tloga ka nako eo Jesu ne a simolola go rera, . . . a re, Ikotlhaeng: gonne bogosi jwa legodimo bo atametse.*

<sup>17</sup> Morena a segofatse Lefoko la Gagwe! Jaanong serutwa sa me mosong ono ke: *Tshuba Lesedi*. Mme ka bonako fela jaaka nka kgona, gore lo tle lo kgone go tswa ka ntlha ya bokopano jona jo bo latelang jaanong, jo bo tlaa nnang mo go ka nnang metsots e le masome a manê le bothhano.

<sup>18</sup> Lo a itse, Rrê Mc Anally, ke akanya gore o teng. Ke bone lori ya gagwe ko ntle. Nako nngwe e e fetileng, re ne re dutse, lengwe la maeto a me a ntlha fano mo Arizona, go ya go tsoma. Re ne re dutse golo fano gaufi le Superstition Mountain. Ke ne ka utlwa ka ga yone lobaka lo lo leelee, mme ka utlwa dinaane di le dintsi tse di nnileng tsa bolelwa ka ga Superstition. Ke gakologelwa ke go soloftse, lekgetlo la ntlha; e ne e le pele ga letsatsi, mme moriti o mogolo o o sedimo o ne o kaletse ko botlhala jwa me, o o neng o itsiwe e le Superstition. Ke ne ke utwile ka ga Maintia, ka fa ba neng ba sa rate go tla gaufi le yone, ka fa ba neng ba boifa ka gone, ka fa Masepenishe a neng a ba kgokgontsha ka gone mo metlheng ya pele fa ba ne ba tsoma gouta. Ba ne ba bua gore mewa e e maswe e ne e nna mo go yone. Gotlhe mona go ne ga hudua maikutlo a me. Fela ke ne ke na le fela pekepeke, go bona Superstition, pele.

<sup>19</sup> Mme fong ke ne ka lebelela go fitlhela, morago ga sebaka, tlottlomalo ya letsatsi e ne ya simolola go tsamaela mo lefifing. Mme erile e dira, e ne ya lomolola lefifi mo leseding, mme ya kgoromeletsa lefifi kwa morago. Kgabagare, le ne la tlthatlogela ko bogodimong jwa lone, kwa godimo ga bogodimo jwa thaba, mme le ne la supegetsa Superstition fela se e neng e le sone. Le ne la sedifatsa la bo le bonagatsa se e neng e le sone. Mme ditshoso le dipoiifo tsotlhe tse ke neng ke na natsos tsa Superstition, fa letsatsi le ne le phatsima mo thateng ya lone mo godimo ga yone, tsotlhe di ne tsa betsegä.

<sup>20</sup> Letsatsi ke kgosi ya masedi otlhe mo lefatsheng lena, mo maseding a tlholego. Go sa kgathalesege gore ke lesedi le le kae la maitirelo le re ka nnang le lone, le gore ke marang a le kae a

magolo a motlakase a re ka a ntshang; fa letsatsi leo le tlhaba, tsotlhe tse dingwe tsa tsona di nna lefitshwana.

<sup>21</sup> Moo ke selo se se tshwanang se go leng sone ka Lefoko la Modimo. Fa Lefoko la Modimo le tlhatloga, ditumelwana tsotlhe, bogogotlo jwa makoko le dilo, di gasamela kgakala, mme go go supegetsa fela totatota se go leng sone. Modimo, ko tshimologong, ne a re, "A go nne le lesedi." Lesedi le tla fela, Lesedi la nnete, Lesedi kgosi, le tla ka Lefoko la Modimo. Modimo ne a lomolola lesedi mo lefifing, ko tshimologong. Mme Lefoko la Modimo, le bonaditswe, le tlhola le lomolola Lesedi mo lefifing.

<sup>22</sup> Batho ba kgora go tlhatloga le *sena, sele, kgotsa se sengwe*; ditumelwana di kgora go tlhatloga, Bokomonisi, Bofasi, le ditumelwana tsotlhe tse dingwe di kgora go tlhatloga; meila, ditumelwana, le fa e ka nna eng se e ka nnang sone, e ka nna ya tlhatloga. Fela fa kgosi Lesedi leo la Baebele le tlhatloga, meila yotlhe le dilo... Fela, lo a bona, re a itse gore go foo, fela go fitlhela Yone e rurifadiwa, e netefatsa Lesedi la Yone; ka ntlha eo ga re na tshwanelo ya go ngangisana kgatlhanong le Seo, ka gore Yone e tswalelela lesedi le lengwe lotlhe kwa ntle. Jesu o ne a re, "A lefoko la motho mongwe le mongwe e nne leaka, mme la Me e nne Boammaaruri." Lefoko la Gagwe le kwa godimo ga mafoko otlhe a motho, mo godimo ga tsotlhe, sengwe le sengwe. Lefoko la Gagwe ke Lesedi.

<sup>23</sup> Mme re a itse gore ko tshimologong go tshwanetse ga bo go ne go le mouwane ebole go le letobo le lefifi, jaaka lefatshes le ne le dikologa, mme fa Modimo a ne a itse gore O ne a na le letlhoko la lesedi. Jaanong, peo ya Gagwe e ne e setse e le mo lefatsheng, ka gore O ne a e jwetse foo. Jaanong O ne a tlhoka lesedi go tsala peo eo, go dira gore peo eo e tshele, ka gore peo e ne e setse e le teng.

<sup>24</sup> Fela jaaka go ntse mo pakeng nngwe le nngwe, Modimo o re boleletse pele se se tlaa diragalang mo pakeng nngwe le nngwe. Selo se le nosi se A se tlhokang ke ponatshego ya Lesedi la Modimo mo Lekwalong leo, go le dira le tshelele paka eo. Fela...?... Mme go tlaa go dira fa fela Lesedi le ka fitlha kwa Lefokong. Fa Lefoko le nonotshitswe gore le tshele, Le tlaa le dira le tshele fa e le tsholofetsa ya letsatsi leo.

<sup>25</sup> O ka nna wa jwala korong ka nako nngwe, kgotsa tlhaka ka nako nngwe. Dingwe di tla ka bonya go na le tse dingwe, ka gore go ikaega mo pakeng.

<sup>26</sup> Lefoko la Modimo le tla mo pakeng, molao le letlhogonolo, le jalo jalo, jaaka re ne ra tswelela go fologa go ralala dipaka. Mme, nako nngwe le nngwe, go sedifaditswe ka ponatshego ya Lesedi le gasa mo pontsheng Bo—Botshelo jo bo leng mo Peong.

<sup>27</sup> Ka Lefoko la Modimo, letsatsi le a phatsima gompieno, ka gore lone letsatsi le re le akolang ke Lefoko la Modimo le

bonaditswe. Lone lesedi la letsatsi le re le bonang kwa ntle ga se sepe fa e se Lefoko la Modimo, fa A ne a re, "A go nne le lesedi."

<sup>28</sup> Mme go ka tweng fa A ne a rile, "A go nne le lesedi," mme go ne go sena lesedi? Fong e ne e se Modimo a buileng. Fa Modimo a re, "A go nne," go tlaa nna jalo. Mme jalo he re fitlhela gore letsatsi le rona jaanong re le akolang ke ponatshego ya Lefoko la Modimo le le builweng ko Genesi.

<sup>29</sup> Mme re a lemoga gore Lesedi la Modimo la motlha ke Morwae. Lengwe e ne e le l-e-t-s-a-t-s-i; mona ke M-o-r-w-a. M-o-r-w-a ke Baebele. O ne a le . . . "Ko tshimologong go ne go le Lefoko, Lefoko le ne le na le Modimo, mme Lefoko e ne e le Modimo." Bahebereg 13:8, "Ena o tshwana maabane, gompieno, le ka bosaeng kae." Ke Lefoko la Modimo, ka gale. E ne e le Keresete mo go Noa. E ne e le Keresete mo go Moshe. E ne e le Keresete mo go Dafita yo neng a lebelela kwa godimo, e le kgosi e e gannweng, mo motsemogolong; kwa, dingwageng di le makgolo a ferabobedi morago, Keresete a neng a dula foo a lelela motsemogolo, a neng a le Kgosi e e gannweng, fela jaaka Dafita a ne a ntse ka gone. Go thola e le Mowa wa ga Keresete. Mme ponatshego e e tletseng ya Lefoko la Modimo e ne ya itsesiwa ka Jesu Keresete, Mowa wa Modimo.

<sup>30</sup> Ga go botshelo jo bo ka tl Lang kwa ntle ga lesedi. Lesedi le a ntsha; lesedi le ntsha botshelo. Go ka se ka ga nna le botshelo—botshelo kwa ntle ga lesedi, jwa tlholego kgotsa jwa semowa. Go tshwanetse go nne jalo.

<sup>31</sup> Mme Lesedi le le esi le kgona go tla ka Lefoko la Modimo. Lefoko la Modimo ke Lesedi fa Le bonatswa. Ke fela Peo e sutse fano, jaaka Modimo a jwetse dipeo tsotlhе.

<sup>32</sup> Mebele ya rona e ne e le mo lefatsheng pele ga . . . sentle, sentle, pele ga go ne go na le lesedi lepe fano, botshelo bope fano, kgotsa sepe; khalesiamo, photashe, peteroliamo, le lesedi la khosemike, le fa e ka nna eng, se ne se le fano—se ne se le fano fa Modimo a ne a tlhola lefatshe. Go tsere fela Lefoko le le builweng la Gagwe go le tlisa gore le nne teng, fela jaaka go dirile botshelo jwa dimela, kgotsa botshelo jwa setlhare, eng, kgotsa botshelo bope jo bo leng teng jo bo tshwanetseng go nna teng.

<sup>33</sup> Ga go sepe se se ka tshelang, mo tlholegong kgotsa mo semoweng, ko ntleng ga Lesedi la Gagwe, mme Lefoko la Gagwe ke Lesedi le Botshelo.

<sup>34</sup> Fela fa A romela Lesedi la Gagwe mme a Le itsise batho, mme fong Lone le ganwa, fong ga tweng ka ga seo? Seo ke se re batlang go bua ka ga sone mosong ono, ke: go gana Lesedi lena, ka bone ba Le rometsweng ko go bone, ba gana fela jaaka go ne go ntse ka nako ele. "Bonang motlhanka wa Me, Yo Ke itumelang mo go ene." Ene ke Lesedi ko Baditshabeng. Ene ke Lesedi ko lefatsheng. O ne a le Lesedi la lefatshe, fela O ne a ganwa. Moo ke karolo e e hutsafatsang.

<sup>35</sup> Mme e diragatsa seemo seo nako nngwe le nngwe fa Modimo a bonatsa Lesedi la Gagwe, lefatshe ka bolone le gana lesedi leo. Goreng? Go kwadilwe gone mo Baebeleng. Paka nngwe le nngwe, Modimo o abetse Lefoko la Gagwe le le rileng a direla paka nngwe le nngwe, mme O tlhola a romela mongwe go bonatsa Lefoko leo.

<sup>36</sup> Jesu o ne a porofetilwe ka dingwaga di le dikete tse nnê, gore O tlaa tla, e le Mesia. Mme erile ne a A tla, O ne a bonatsa tsholofetso nngwe le nngwe ya ga Mesia. Fela le fa go ntse jalo batho ba lefatshe, dikereke, le jalo jalo, ba ne ba sa itse sepe ka ga Ene, jalo he, ka gore ba ne ba setse ba tsene mo selong sengwe se sele se se neng sa ba kgANELA gore ba itse Sena. Jaanong go ka tweng fa mo—motho fela . . .

<sup>37</sup> Re tlaa tsaya karolo ya tlholego. Go ka tweng fa motho, yo o tsetsweng fano go tsamaya mo leseding la letsatsi leo, se Modimo a se mo tlholetseng, mme, selo sa ntlha se o se itseng, o tswale matlho a gagwe, a sianela ko bonnong jo bo ko tlase, a tswale mojako, a gogela sesiro ko tlase, mme ena fela a gane go lemoga gore letsatsi le a phatsima? O gana ditshiamelo tsa lone. O gana marang a a lone a a thutafatsang, motswedi wa lone o o nayang botshelo. O gana lesedi le le le gasang gore a kgone go bona kwa a yang gone, kwa a tswang gone. O latola leo. O ne o tlaa bolelela motho yo neng a gogela sisiro kwa tlase eng, kgotsa ena a tabogela ka ko bonnong jo bo kwa tlase a bo a tswalelela lesedi lotlhe, gongwe le gongwe, mme ena mothofo fela a gana go lemoga gore letsatsi le ne le phatsima? Go sengwe se se phoso mo tlhaloganyong ka motho yoo. Mongwe le mongwe o itse seo. Monagano wa tlholego o tlaa go bolelela gore go sengwe se se phoso ka motho yoo, gore ena o, ena o—ena o . . . Sengwe se mo diragaletse. O lathhegetswe ke mabaka a gagwe.

<sup>38</sup> Sentle, go jalo mo dioureng tse re tshelang mo go tsone, fa motho a tlaa ikapesa ka mohuta mongwe wa sei—wa seipato, gore ena totatota a lemoge Lesedi la Efangedi jaaka Le phatsima jaaka Le ntse gompieno. Fa motho ka bomo a fapoga mo go Lone, a ya ka mo sengweng a bo a gogela sesiro kwa tlase, a re, “Ga ke Go dumele,” go na le sengwe se se phoso ka motho yoo. Ga go na fela tsela ya go go tila. Go na le sengwe se se phoso. Sengwe se mo diragaletse. Mme re fitlhela gore go na le mo gontsi thata, mo gontsi thata ga seo gompieno.

<sup>39</sup> Jaanong, Jesu o ne a le bopaki jotlhe jo bo tlhotlheleditsweng jwa baporofeti. Mme seporofeto sotlhe sa bone se ne sa tlisiwa mo Leseding mo pakeng ya Gagwe, le le neng la porofetelwa paka ya Gagwe. O ne a tshuba kerese nngwe le nngwe ya Lefoko le le neng le le mo Baebeleng, le le neng la porofetiwka ga Ena. “Kgarebane e tlaa ithwala.” O ne a dira. Go siame. “Leina la Gagwe o tlaa bitswa Mogakolodi, Kgosana ya Kagiso, Modimo Mothati, Rara wa Bosafeleng.” O ne a ntse jalo. “Mme matlho a difofu a tlaa bona.” A ne a dira. Sengwe le sengwe se se neng

sa porofetiwa ka ga Ena, se ne sa diragala fa A ne a tla mo lefatsheng.

<sup>40</sup> Mme goreng batho ba ne ba sa kgone go bona seo, moo e ne e le... Go lebega go le seeng mo go rona jaanong, ka gore re lebile ka seipone se se lebelelang pono ya kwa morago. Fela a o kile wa itse, fa o tswelela o lebile morago ka tsela eo, o tlaa thula o nne tlerope? A re lebeleleng se se leng kwa pele ga rona.

<sup>41</sup> Seo ke se ba neng ba se dira. Lebaka le ba neng ba dira seo, ke ka gobo ba ne ba tshela mo go benyeng ga lesedi le lengwe. Ba ne ba tshela mo go benyeng ga lesedi la motlha o mongwe.

<sup>42</sup> Mme seo ke se ke dumelang gore ke bothata ka lefatshe gompieno, ditsala, ke ka gore re leka go tshela mo go benyeng ga lesedi le le neng le phatsima mo motlheng o mongwe. Go benya ke lesedi la maaka.

<sup>43</sup> Fela jaaka moenene mo tseleng. Re fologa ka mmila mme re bona moenene. Ke kakanyo ya maaka ya letsatsi. Mme fa o fitlha koo, one ga o a tlisa selo fa e se sengwe sa maaka. Ka gore, o ka se kgone go tsamaya mo go benyeng ga letsatsi, ka gore ke moenene, ka gale go go supegetsa sengwe se go se senang sepe mo go sone.

<sup>44</sup> Mme fa batho ba leka go go bolelela gore Jesu Keresete ga a tshwane maabane, gompieno, le ka bosaeng kae, ba go gogela ka mo moeneneng. Ke gotlhe. Mme fa o tsena mo kerekeng o bo o ipataganya le kereke, tumelo nngwe ya kereke e e tsididi kgotsa sengwe se se jalo, ga go sepe foo, e leng mo go sa feteng se o neng o na naso mo lefatsheng.

<sup>45</sup> Mpe ke lo boleleleng. Lo sek a lwa gana Lesedi la Efangedi ya ga Jesu Keresete, e e tlisang marang a a thuthafatsang a Mowa o o Boitshepo mo go lona, a lo dira sebopiwa se seša mo go Keresete Jesu. O sek a wa leka go tsamaya mo go benyeng ga paka e nngwe. Jaanong, go benya moo go ka tswa go ne go siame mo pakeng e nngwe, go ka tswa go ne go ntse go ba siametse.

<sup>46</sup> Go ne ga netefatsa jalo mo motlheng wa Morena Jesu wa rona. O ne a le Lesedi la Dikwalo la motlha oo. O ne a le Lesedi. O ne a se Lesedi go fitlhela A ne a tlie mo lefatsheng go rurifatsa Lefoko le le solofeditsweng. Lo a itse, O ne a re foo, "Johane o ne a le lesedi le le tsabakelang le le le phatsimang, mme lo ne lwa rata go tsamaya mo leseding la gagwe ka sebaka."

<sup>47</sup> Go tlhomame, ka gore Johane o ne a porofetilwe ke Isaia, dingwaga di le makgolo a supa le lesome le bobedi pele ga tsalo ya gagwe, gore, "Lentswe la mongwe le tlaa bo le goa ko bogareng ga naga." Mme fong gape Malaki, wa bofelo wa baporofeti, dingwaga di le makgolo a le manê pele ga go tla ga gagwe, mo kgaolong ya bo 3 ya ga Mal-... ya ga Malaki, o ne a re, "Bonang, Ke roma morongwa wa Me fa pele ga sefatlhego sa Me, go baakanya tsela."

<sup>48</sup> Johane o ne a le yona mo lefatsheng, a dira gore Lefoko leo le le kwadilweng le tshele. O ne a le lenseswe la yo o goang ko bogareng ga naga, mme ena o tlhotse... gape o ne a baakanya tsela fa pele ga Mesia. Mme Jesu ne a re, “Lo ne lwa rata go tsamaya mo leseding la gagwe, ka gore o ne a le lesedi leo, lesedi le le tsabakelang ebile le phatsima.”

<sup>49</sup> Mme Johane, o ne a re, “Jaanong ke tshwanetse ke ngotlege, lesedi la me le tshwanetse le time, ka gore (goreng?) ke diretsenako ya me e e porofetilweng ka ga nna. Mo utlweng! Ke Ene. Mo late leng.” Lone le tshelang mo motlheng oo, go ne ga rurifatsa sena.

<sup>50</sup> Jaanong, Bajuta ba ne ba akanya gore ba ne ba obamela mo Leseding la mnete. Ba ne ba gopotse gore ba ne ba obamela, Modimo yo o tshwanang yona yo ba neng ba mo gana. Ene yo ba neng ba gopotse gore ba ne ba mo obamela, ba ne ba mmapola. Ba ne ba tlaopa ene Modimo, ebile ba Mo dira sengwe se se tshegiwang sa batho, ene Modimo yo ba neng ba gopotse gore ba ne ba mo obamela.

<sup>51</sup> Mma ke bue sena ka tshisimogo le tlhompho, fela go tlisa Lesedi, ka gore, jaaka mokaulengwe wa rona a buile lobakanyana le le fetileng, re tshela mo go thari go feta go na le ka fa o akanyang ka gone. Lengwe la malatsi ano sengwe se ile go diragala, go ile go nna thari. Batho ba tlaa tsaya letshwao la sebatana, ba sa itse le e leng se ba se dirang. “Difofu di etelela difofu pele, botlhe ba wela mo khuting,” Jesu ne a bua. Mme re tshela go le thari go feta ka fa re akanyang ka gone. Batho ba le bantsi ba ba tshepafalang ba latela seo, ba sa itse le e leng se ba se dirang.

<sup>52</sup> Fela oura e gaufi jaanong fa Lesedi le phatsimang, Lesedi la Efangedi, mo thateng ya Lone ya tsogo ya ga Jesu Keresete, a Iponatsa gore Jesu Keresete o tshwana maabane, gompieno, le ka bosaeng kae. O ne a abela moo letsatsi lena. Dilo tse A di solofoleditseng motlha ona di tshwanetse di diragale mo motlheng ona. Fa kereke e sa tle go E amogela, Modimo o nonofile ka mantswê ana go tsoetsa Aborahame bana. O tlaa isa Molaetsa wa Gagwe koo, ka gore O tlhola a go dirile. O tlaa tlhola a go dira.

<sup>53</sup> Batho ba akanya gore ba tsamaya mo Leseding, dingwao tsa borra, mme, selo sa ntsha se o se itseng, ba tsamaya mo go benyeng ga lesedi, eseng Lesedi le le tshwanang, ba ganne lone Lesedi le ba ipolelang gore ba a le obamela.

<sup>54</sup> Ditiro tsa Gagwe di rurifaditse ka botlalo Yo A neng a le ene. Jesu ne a re, ka Sebele, “Phuruphutsang Dikwalo, gonno mo go Tsone lo akanya gore lo na le Botshelo jo Bosakhutleng, mme Tsone ke Tsone tse di pakang ka ga Me. Ke mang yo o ka Ntshekisetsang boleo?” O ne a re, “Ke mang yo o ka netefatsang gore ke buile sengwe, kgotsa polelo epe e ke e dirileng, gore Rara

wa Legodimo ga a ise a rurifatse seo ka Nna?" O lo netefaleditse gore O ne a le Lesedi la oura, ka gore gotlhe go ne ga porofetwa gore Mesia yona o tshwanetse a nne ka tsela ena, mme fano ne a tlhogonolofala mo Botshelong, fela dingwao tsa bone di ne di ba lomolotse mo Leseding la mmannete la Lefoko.

<sup>55</sup> Bafarasai, Basadukai, Baherote, le fa e le eng se go ka bong go le sone, ba ne ba dirile gore lefatshe le tlhakatlhakanngwe ke ditlhong thata, jaaka ba dirile mo dipakeng tsotlhe, gore ba ne ba sa kgone go bona Lesedi la mmannete. Le ne la foufatsa matlho a bona. Ba ne ba tlwaetse go tsamaya mo go benyeng, "Letsatsi le le latelang e tlaa nna *sena*, mme kamoso e tlaa nna *sena*. Re tlaa ipataganya le *ena*, mme e tlaa nna *sele*. Re tlaa ipataganya le *ele*." Re fitlhela gore ke moenene wa maaka.

<sup>56</sup> Jesu Keresete o popota fela gompieno, ko pelong ya motho, jaaka A kile a nna. Thata ya Gagwe le Bolengteng jwa Gagwe jo bo tshelang ke ga mmannete fela gompieno jaaka go kile ga bo go ntse ka gone. "Bonang, lobakanyana, mme lefatshe ga le na go tlhola le Mpona. Khosemose, 'tolamo ya lefatshe,' ga e na go tlhola e Mpona. Le fa go ntse jalo, lo tlaa Mpona; gonne Ke tlaa bo ke na le lona, le e leng mo go lona, go ya bokhutlong jwa lefatshe. Ditiro tse Ke di dirang lo tlaa di dira le lona, ebile tse dikgolo go feta tsena lo tlaa di dira, ka gore Ke ya kwa go Rrê."

<sup>57</sup> Tsholofetsi e kgolo eo ke ya gompieno. Lefatshe le foufetsi jaaka lone le ka kgona go nna ka gone, fela go na le "lona ba lo tlaa Mponang," mme seo ke se re lekang go se bona gompieno. Se Efangedi e e tletseng, e se rayang, ke go supa Jesu Keresete mo thateng ya tsogo ya Gagwe, le bottalalong jotlhe jwa ditsholofetsi tsa Gagwe; gore Mowa o o Boitshepo o bonatshe dilo tsena o bo o di siamisa, tse Modimo o di sololeditseng, mme O tlaa go dira. Ee, rra.

<sup>58</sup> O nnile a rurifaditswe mo go tseneletseng ka le—Lefoko le ka ditiro tse A neng a di dira, fela ga go ope wa bone yo neng a batla go go dumela. Ne a rurifatsa gore Lesedi la Gagwe e ne e le Lefoko! Lefoko le ne la go bua, "Phuruphutsang Dikwalo."

<sup>59</sup> Fela dingwao tsa bone tse ba neng ba tshela mo go tsone, go benya ga paka e nngwe! Ba ne ba re, "Re dumela Moshe; Moshe yo re mo dumelang. Ga re itse kwa O tswang gone. O tsere kae thuto ya Gago? O ka netefatsa ka eng gore Wena o *Sena*?"

<sup>60</sup> Ditiro tsa Gagwe di ne tsa supa Yo A neng a le ene, fa fela ba ka bo ba ne ba badile Baebele. Ba ne ba E bala, fela ba ne ba sa kgone go Go bona. "Ditiro tsa me di a Nkaya."

<sup>61</sup> Motho o itsiwe ka makwaloitshupo a gagwe, makwaloitshupo a Lefoko la Modimo, fa a rometswe ke Lefoko la Modimo le ka Lefoko la Modimo. Mo go tshwanang mo pakeng nngwe le nngwe! Go tlhotse go ntse jalo.

<sup>62</sup> Re ka se kgone go tshela ka lesedi la maabane. Lesedi la maabane ke ditso. Ga re itse sepe ka ga gone. O ka se kgone

go thuthafala gompieno ka letsatsi le le phatsimang maabane. Seo ke se e leng bothata ka dikereke gompieno. Seo ke se e leng bothata ka batho, ba leka go tshela ka se se diragetseng maabane. O ka se kgone go thuthafala ka molelo o o pentilweng. Go tlhomame ga go kake, ga go na mogote ope mo go one. Letsatsi la maabane ga le na mogote mo go lone.

<sup>63</sup> Lesedi la letsatsi le rometswe ko lefatsheng, mo tlholegong, go budusa tlhaka go nna thobo e e tlang kwa pele. Letsatsi lengwe le lengwe le tlisa letsatsi le leša. Letsatsi le le phatsimang gompieno, le godisa korong, ko Canada; letsatsi le le tshwanang leo, sentle, fa le ne le sa... le ne le sena letsatsi go feta moo, Phukwi ena e e tlang kgotsa Phatwe, le ka motlha ope le ne le ka se kgone go budusa tlhaka. Le tshwanetse le nonofe go feta e bile le nne le thata go feta, letsatsi lengwe le lengwe e a gola e bo e butswa, go tlisa tlhaka mo teng.

<sup>64</sup> Jaanong fa tlhaka, ka boyone, fa e simolola go gola, tlhaka e a tswelela, fa e nna gone le tlhaka, e nonotsha fela tlhaka. Letsatsi lengwe le lengwe, mmoko go e dikologa, ka—karolo ya khalesiamo le fa e le eng se se tsenang mo go yone, e nonofela gone ka mo tlhakeng, jaaka letsatsi le thatafala go feta.

<sup>65</sup> Fela o tseye letsatsi le le phatsimang ka Phatwe, mme o le tsenye mo korong gompieno, le tlaa e bolaya. Go tlhomame, o ka se kgone go dira seo. E tshwanetse e tle mo pakeng ya gone. Korong ya Modimo le tlhaka di tshwanetse fela go butswa jalo fela mo pakeng, paka e E leng mo go yone. Fela letsatsi le ka kgona jang... Sentle, korong e tlaa swa, maungo a tlaa swa, ka letsatsi le le tshelang gompieno, le le phatsimang gompieno, ke raya moo. Thobo e e tlang e a butswa. Tlhaka e tshwanetse e gole le lesedi.

<sup>66</sup> Fela selo ke gore, gompieno, tlhaka ya kereke ga e batle go gola. E batla go nna jaaka go ne go ntse kwa morago mo nakong ya ga Moody, Sankey, Finney, Knox, Khalefini. Ba ne ba siame, ba ne ba le lesedi la oura.

<sup>67</sup> Fela ena ke oura e nngwe. Lena ke letsatsi le lengwe. Ena ke tswelelopele ya Efangedi; E tla kwa boitekanelong jwa yone. Jalo re ka se kgone go tshela mo go se Lutere a se buileng, Wesele a se buileng, kgotsa bangwe ba bone ba bangwe. Re tshela mo Leseding le le boleletsweng pele ka ntlha ya motlha ona. Re mo pakeng ya kereke ya bosupa, eseng paka ya boraro kgotsa ya bonê ya kereke. Tlhaka e tshwanetse e kgone go E amogela. Fa e sa dire, e wela fatshe mme ga E kaye sepe mo go yone. Tlhaka e godiswa ka Lesedi fa e tswelela pele le Lesedi.

<sup>68</sup> Kereke e tshwanetse e tlise senkgwe sa paka nngwe le nngwe jalo, gore Jesu o ne a laola, gore, "Motho o tla tshela ka Lefoko lengwe le lengwe le le tswang mo molomong wa Modimo."

<sup>69</sup> Senkgwe se re se tlhokang se mo Baebeleng. Ke tshenolo e e feletseng ya leano la Modimo. Ke tshenolo e e feletseng ya ga Jesu

Keresete. Ga re oketse sepe mo go Yone, kgotsa re ntshe sepe mo go Yone; le fa e le mang yo o dirang, leina la gagwe le tlaa ntshiwa mo Bukeng ya Botshelo. Ga re tlhoke ditumelo dipe tsa kereke go oketsa mo go Ena. E kwadilwe fela ka tsela e E tshwanetseng go nna ka yone. Ga re oketse sepe mo go Yone, re ntshe sepe mo go Yone, re E rere fela ka tsela e E leng ka yone, mme Modimo o jalo, o tlaa go bonatsa. Tsholofetso nngwe le nngwe e A e sololeditseng, O tlaa e bonatsa fela mo go tshwanang. Ga re a tshwanela go ntsha mo go Yone kgotsa go oketsa mo go Yone. E tlogele fela ka tsela e E leng ka yone.

<sup>70</sup> Fela, lo a bona, gompieno, re fitlhela batho jaaka go ne go ntse ka mokgwa mongwe mo motlheng oo foo, ba leka go tshela ko morago mo go benyeng. Kereke e tshwanetse e butswe jaaka korong e butswa, “gore motho ga a kake a tshela ka senkgwe se le sosi, fela ka Lefoko lengwe le lengwe la Modimo, Senkgwe sa Botshelo.” Eseng fela bontlhabongwe jwa Mafoko; Lefoko lengwe le lengwe la Modimo, paka nngwe le nngwe! O sekä fela wa nna o bo o ja dinawa le ditapole nako yothle. Go na le dilo tse dingwe tse di tsamaisanng le gone, jaaka re tswelela pele ka ko ntlheng e e tletseng ya Tinara e kgolo ya Modimo e e tlhomilweng fa pele ga batho ba Gagwe, thata ya Mowa o o Boitshepo, go—go ipela ga Gone, thata le Mowa tse di neilweng. “Ditiro tse Ke di dirang lo tlaa di dira le lona. Ka gore Ke a tshela, lo a tshela le lona.” Ditsholofetso tse Jesu a di diretseng Kereke ya Gagwe, mme le fa go ntse jalo gompieno re fitlhela batho ba leka go boela kgakala ko morago ka ko pakeng nngwe e sele e e fetileng.

<sup>71</sup> Paka ya ga Lutere, e ne e le paka e kgolo. O ne a bona moiketsisi wa kereke ya Khatholike, o ne a bona selalelo. Gore, moperesiti yoo wa monana, o ne a bone gore moo go ne go le phoso, “e ne e se mmele wa ga Keresete o o jaaka go kwadilwe ka ditlhaka,” e ne e le setoki sa senkgwe se—se ba neng ba se segofaditse. Mme o ne a bona gore, “moweine e ne e se Madi a go ya ka ditlhaka,” fela go ne go emetse Madi. Jalo he o ne a ngongoregela selo se ka gore oura ya nako eo e ne e le foo. Mme go sa kgathalesege gore ke baperesiti ba le kae ba ba neng ba na nabo, le eng le eng mo gongwe mo ba neng ba na nago, Modimo o ne a tsaya motho yo o ka dirang gore lesedi le phatsime. Amen. O ne a amogela, “Tshiamiso ka tumelo,” mme o ne a dira lesedi la paka ya ga Lutere le phatsime. Morago ga foo go ne ga tla kong, le le neng la tshela la fetsa nako ya lona.

<sup>72</sup> Go ne ga tla nako e nngwe e kereke e tshwanetseng go tloga mo maleong a yone, mme e itshepisiwe. Go ne ga tswelela ga tla Johane Wesele, monna yo monnye wa Moenglkhene go tswa golo ko Engelane koo, yo neng a le wa kereke ya Anglican, fela o ne a bona lesedi mo Efangeding. E ne e le oura ya gore Paka eo ya Filadelfia e tshwanele go tlhagelela. Mme erile a dira, o ne a rera ditiro tsa bobedi tsa lethogonolo, boitshepiso ka Madi a ga Jesu Keresete. Go ne go sena sepe se se neng se ka ema mo leseding la

sone. O ne a gopolwa e le segogotlo fela jaaka Lutere a ne a ntse ka gone, fela o ne a ngongoregela tsotlhe tse dingwe tsa tsone tse di neng di le teng, mme a bonagatsa lesedi, ka gore e ne e le lesedi la oura. Modimo o ne a fitlhela monna, Johane Wesele, yo o neng a kgona go tshuba lesedi.

O ne a fitlhela mo go . . . mme gape le Lutere, yo neng a tshuba lesedi la paka eo.

<sup>73</sup> Fong go ne ga tla bakaulengwe ba Mapentekoste. Ba ne ba boa mo pakeng ya bone, ya tsosoloso ya dineo, ba busetsa dineo morago, tsa go bua ka diteme, dineo tsa phodiso, le dilo mo kerekeng. Jaanong, ba dirile fela totatota se Lekwalo le rileng ba tlaa se dira, mme, erile ba dira, ba ne ba go bonatsa. Go ntse jalo totatota.

<sup>74</sup> Fela a lo ne lwa lemoga gore re fetetse pele go tloga mo go seo? Re mo nakong ya Monyadiwa, nako ya go tlhopha, nako e (Monyadiwa) ba rileng re tlaa nna le yone. “Tsotlhe tse seboko di se tlogetseng,” ne ga bua Joele 2:28, “tsotlhe tse seboko di se tlogetseng, mo—mogokong o se jele; mme tsotlhe tse mogokong o di tlogetseng, tsie e ne ya di ja.”

<sup>75</sup> Lengwe le lengwe la makgotla ao, fa lo badile Dikano tse Supa tsa Baebele, mongwe le mongwe wa batokafatsi bao o ne a tswelela mme a rera Lefoko, fela o ne a tlogela sengwe se se fapogileng. Fong ba ne ba dira eng morago ga batokafatsi ba sena go fela, mme lesedi le ne la simolola go fifala? Mo boemong jwa go tsamaela ko Leseding le le tsweletseng, ba ne ba le rulaganya. Mme erile ba ne ba e rulaganya, “Re dumela Lesedi *lena*. *Lena ke Lesedi!* *Lena ke Lone*.” Ba ne ba dira eng? Wesele o ne a tswelela gone a bo a tloga mo go bone.

<sup>76</sup> Wesele o ne a dira eng? O ne a rulaganya fa morago ga gagwe, le wa gagwe—morwarraagwe, John le—le Charles, mme go ne ga tswelela ga tla Asbury le bao, mme, morago ga malatsi a bona, ba ne ba rulaganya se se neng se bidisha kereke ya Methodisti. Ba ne ba dira eng? Ba ne ba gana Lesedi le le kwa pejana. Ba ne fela ba re, “*Lena ke Lesedi. Lena ke Lone*.”

<sup>77</sup> Ne ga tloga ga tla Mapentekoste mme ba ba supegetsa, gore Modimo o santsane a romela kolobetso ya Mowa o o Boitshepo fa tlase. O santse a folosetsa thata ya Gagwe ya phodiso, e ba e ganneng. Ba ne ba dira eng? Ba ne ba tsamaela gone kgakala le bona, ka gore e ne e le lesedi le lengwe.

<sup>78</sup> Gone ke eng jaanong? Re fetile go ka nna dingwaga di le masome a le marataro, Mapentekoste ba rulagantse, “Rona re *sena*, rona re *sele*,” mme Modimo o tlogile gone ka bonako mo go gone; golo ka kwa, mme o tlisa Monyadiwa, Moitshenkedwi, go tswa mo setlhopheng seo. Mo e leng gore, ga go tle go nna le paka e nngwe ya kereke. Paka ya Kereke ya Filadelfia e ne e le Wesele. Mme Paka ya Kereke ya Laodikea ke lekgotla la Pentekoste, le lotlhe le yang gone ka tlhamallo ka mo letshwaong

la sebatana. Moo ke Baebele, jaaka mokaulengwe yona a ne a bua metsotso e le mmalwa e e fetileng. Moo ke nnete. Ke gone. Bone ke, makgotla otlhe ao, ka gore ba ganne go tsamaya mo Leseding le le kwa pejana. Ba itira lekgotla, mme ba re, "Re dumela sena." Fa Modimo a dira sengwe, go tlhotlhomise ka Lekwalo.

<sup>79</sup> Bafarasai ba ne ba re, "Re na Nago." Basadukai ba ne ba re, "Re na Nago." Fela Modimo o ne a na Nago! Modimo o ne a soka selotlele mme a supegetsa Lesedi. Le ne le gannwe jaaka Le tlhotse le ntse ka gone.

<sup>80</sup> Kereke ya Khatholike e ganne Lutere. Wesele o ganne Lutere. Mme jalo gape le Mopentekoste o ganne Wesele.

<sup>81</sup> Mme Mowa o o Boitshepo gompieno o gana Mapentekoste. Lona le nna fela ba ba gwaletseng ebole le tsidifetse jaaka botlhe ba bona. Mongwe le mongwe a ka kgona go bona seo. Ke a lo rata. Lo selo se se gaufi thata le Baebele se se leng teng, se ke itseng ka ga sone, ke sone se ke nang le lona. Fela, reetsang, bulang matlho a lona mme le boneng mothla o re tshelang mo go one! Ke nako ya gore selotlele se sokege gape, le Lesedi le le tshwanetseng go tla, go ntsha Setlhare. Baebele ne ya re, mo go Malaki 4, "O tlaa romela mme a buseletse gape Tumelo ya kwa tshimologong e e neng e na le batho." O go soloeditse. O tlhotse a go dirile. O ne a romela Lefoko la Gagwe, mme baporofeti ba ne ba tla ka gore Lefoko le ne la tla ko baporofeting, mme ba ne ba na le Lefoko mme ba Le tshedisa.

<sup>82</sup> Makgotla le ditsamaiso tsa nako di ne tsa ba gana, paka nngwe le nngwe, ba tlaa go dira jalo gompieno. Modimo o nonofile fela jaaka gompieno go tsosa motho jaanong jaaka A ne a ntse ka nako ele. Ga A ise a ko a tsose makgotla. Botsang mokwala ditso mongwe le mongwe, lebang go ralala ditso; fa lekgotla le ne le rulaganya, le ne la swela foo mme la se ka la tsoga gape. Modimo o bua le batho ka bonosi. Ke gone.

<sup>83</sup> Mme Modimo o soloeditse go go dira gape mo metlheng ya bofelo, mme seo O tlaa se dira. Se Modimo a se soloeditseng, gore O tlaa se dira, go tshuba Lesedi le le ka rurifatsang Dikwalo tse di soloeditsweng tsa gompieno. Jesu ne a re, "Jaaka go ne go ntse mo metlheng ya ga—ya ga Lote, go tlaa nna jalo mo go tleng ga Morwa motho." Lo a supegetsa, lo bona se ba se dirang. Lebang Jehofa, se A se dirileng, Rraetsho o tlhomile sengwe le sengwe mo bonnong.

<sup>84</sup> Lote ke yole golo kwa ko lefatsheng, golo kwa ko Sotoma, ka boleo jotlhe, mololo. Go na le morongwa golo koo a mo rerela, le ene.

<sup>85</sup> Setlhophsa sa ga Aborahame ke seo, Baitshenkedwi, ba ne ba tswa, bone ba ba nang le tsholofetso, ba letetse Morwa ka nnete. Lote o ne a soloefetse morwa, le ene, fela eseng mo popegong e Aborahame a neng a mo soloefetse ka yone. Go diragetseng? Fela pele ga go diragala, Modimo ne a fologa a bo a Iponatsha mo

nameng, mme a bolela gore O ne a le Lefoko, gonne, “Lefoko la Modimo le bogale go feta tshaka e e magale mabedi, mme ke molemogi wa dikakanyo tse di leng mo pelong.” Jesu ne a re, “Go tlaa nna jalo gape, kwa go tleng ga Morwa motho.” Ditsholofetsosena ke tsa Semodimo, di ne tsa buiwa ke dipounama tsa ga Jesu Keresete. Tsoopedi magodimo le lefatshe di tlaa palelwa, fela ga Di ketla di palelwa. Modimo o santsane a nonofile ka mantswê go tsosetsa Aborahame bana. Ao, ee!

<sup>86</sup> Re mo loetong lwa rona, re sengwe se se jaaka Iseraele e ne e ntse ka gone. Iseraele, mo loetong lwa bone, ne ba tshwanela go tsaya mm mana o moša letsatsi lengwe le lengwe, gonne mm mana o moša a ne a wa. Ga re a tshwanela go tshela mo leseding la ga Lutere, go tshela mo leseding la ga—la ga Wesele, kgotsa go tshela mo leseding la Pentekoste. Re mo pakeng e nngwe, Mmana o moša.

<sup>87</sup> Go ne ga diragala eng fa ba ne ba leka go latsa mm mana oo? A ne a kgotlelesega. A ne a tlaa ba bolaya. Leo ke lebaka le re nang le ba le bantsi ba ba suleng mo moweng, ba ba bidiwang go twe ke Bakeresete. Ba ja go benya ga letsatsi le lengwe. Ba ja mm mana o o setseng o kgotlelesegile. Fela jaaka mmoko mo godimo ga mabele, fa o sa ye ka mo mabeleng, o wa mo mabeleng. Mme fa Lesedi le ganwa, ga go sepe fa e se selo se le sengwe go se dira, go fetolelwa ka ko lefifing. Seripa sepe sa bosigo, se tlaa gana go bona Lesedi, se boela ko lefifing. Go dira jalo mo Efangeding, mo pakeng nngwe le nngwe go ile ga netefatswa gore go jalo. Re tshela mo nakong eo.

<sup>88</sup> Mmana wa maabane a kgotlelesegile. Ke utlwa batho ba re, “Dinyaga di le masome a manê tse di fetileng, ke dirile *jaanale-jaana*.” Go ntse jalo, fela ga tweng ka ga gompieno? Ga tweng ka ga kereke e tukang? Re bua ka ga maabane, ga tweng ka ga kereke gompieno? Ga tweng ka ga wena o le motho ka bonosi gompieno? Gonne, maabane ga a na go direla gompieno mosola ope. Go ne go siame maabane.

<sup>89</sup> Molaetsa wa ga Lutere e ne e le lesedi la oura, jaaka wa ga Johane o ne o ntse ka gone, fela go ne ga tsoga lesedi le legolo go feta. Lutere o ne a le lesedi le legolo jalo, mme re ne ra mo akola lobaka, fela go ne ga tla lesedi le lengwe le le neng la tima la gagwe. Se go neng go tshwanetse go se dira e ne e le go tswakana le Lone; mme Le ne la fetela pele ko lofong e e itekanetseng ya Senkgwe, ba ne ba fetela pele ko Mmaneng o o itekanetseng wa Modimo. Fela ba ne ba dira eng? Ba ne ba rulaganya. Motho o ne a tsene mo go gone. Mo boemong jwa gore Modimo a go eteletele pele, motho le ditsamaiso tsa gagwe ba tsene mo go gone, ba go foufatsa.

<sup>90</sup> Ao, Setlhare sena sa Monyadwi gompieno, se nnile sa pongwa. Kala nngwe le nngwe e e sa ungweng leungo e pomilwe.

Jesu ne a rialo, Moitshepi Johane 15. Go diragetseng jaanong, re a bona gore ba ne ba kgaotswe, ba pomilwe.

<sup>91</sup> Gakologelwang, yone pelo ya setlhare e gone mo bogareng jwa setlhare. Leungo le tlaa butswa ka gale, lefelo la bofelo le setlhare se tlaa bang sa ungwa leungo, ke gone mo godimo ga sone, ka gore ke bontshwa jo bo tswang mo bogareng jwa botshelo jo bo leng mo peong.

<sup>92</sup> Ke Setlhare sa Monyadwi. Jesu o ne a le Monyadwi, O ne a le Setlhare. Ba ne ba Mo kgaola. E ne e le Setlhare sa Botshelo se se neng se le ko tshimong ya Etene. Ba ne ba Mo kgaola ba bo ba Mo kaletsma mo setlhareng sa Seroma, go Mo sotla. O ne a dira eng? Modimo o ne a Mo tsosa ka letsatsi la boraro, mo baswing. Mme gompieno go na le Setlhare sa Monyadwi; Se ne sa simolola kwa morago koo kwa tshimologong, kgakala kwa morago kwa Letsatsing la Pentekoste.

<sup>93</sup> Reetsang, lona batho ba lo leng maloko a kereke! Kereke ga e ise e simolole kwa Nishia, Roma. E simolotse ko Jerusalema, ka Letsatsi la Pentekoste, Kereke e ne ya simolola. Fong ba ne ba dira eng? Ba ne fela ba tswelela ba rulaganya; mme Modimo o tswelela a kgaola dikala. Ba ne ba tloga ba rulaganya Molutere; ne a kgaola dikala. Wesele; ne a kgaola dikala. Pentekoste; a kgaola dikala. Go fitlhela e gorogile . . .

<sup>94</sup> Fela Modimo o ile go nna le Setlhare sa Monyadwi! “Tsotlhe tse boijane bo di jeleng le seboko se di jeleng, Ke tlaa di busetsa,” go bua Morena. Malaki 4 e re bolelela gore re tlaa busetswa ko Tumelong ya kwa tshimologong jaaka go ne go ntse ka Letsatsi la Pentekoste, “Tumelo ya borara.” Re dumela gore e tlaa tla. Ke dumela gore ke nako ya gone jaanong. Dikala di swabile gotlhelele ebile di omeletse, mme ba tlaa bo ba di tlosa mo Setlhareng, gore leungo le kgone go ikungwa gone mo godimo ga Setlhare. Ijoo!

<sup>95</sup> Masedi otlhe ana a siame. Kereke gompieno ke lesedi leo le okeditswe mo go se e se amogetseng gompieno. Ke go wetsa thobo. Jaaka re fitlhela, gore Setlhare ka bosone, kgotsa . . . Korong e tshwanetse e gole le Lesedi, e ikgodisa go tloga fa mogwangeng go ya kwa tlhakeng, le go tloga kwa tlhakeng go tswelela. E gola le Lesedi. Lesedi la dipaka tse dingwe le supa fela ka ga paka ena. Lesedi la ga Lutere le ne la supa ka ga—ka ga lesedi la ga Wesele. Wesele o ne a supa lesedi la Pentekoste. Ke lesedi le le tshwanang, e godisitswe fela ke Lesedi. Fa batho ba ne ba ka kgona fela go go bona!

<sup>96</sup> Nako nngwe e e fetileng, ke ne ke bala kgannyana, kwa khumagadi ya Enngelane, (eseng khumagadi ena) khumagadi e nngwe, o ne a ya go bona kompone ya pampiri e e neng e dira pampiri e e siameng thata. Mme fa a ne a botsolotswa ke tautona ya kompone, o ne a mo mmontsha. O ne a batla go bona ka fa pampiri e ntle thata eo e neng e dirwa ka gone. O ne a mo tsaya a

bo a mo supegetsa metšhine yotlhe ya go gatisa e megolo le dilo. Mme mo metlheng eo, ba ne ba dira pampiri ka makgasa. Rona re gakologelwa seo sentle. Jalo he o ne a tsena ka mo kamoreng a bo a bula mojako, mme go ne go sena sepe fa e se segopa sa dikatana. Khumagadi, ka go makala, ne a re, “Dilo tse di leswe tsena ke eng?”

<sup>97</sup> Monna yo... tautona ya kompone, ne a re, “Moo e ne e le diaparo, maabane. Lo a bona, di fetogile tsa leswefala. Ga re di latlhe, fela ke pampiri ya kamoso.”

O ne a re, “Ga ke tlhaloganya sena.”

O ne a re, “O tlaa go tlhaloganya ka moso.”

<sup>98</sup> Jalo he fa ba fetisa dikatana tsena go ralala metšhine ya go gatisa, go ralala tiragatso nngwe ya go phepafatsa, mme—mme selo sengwe se go neng go tshwanetse go se ralala, tiragatso; fa e ne e tlhagelela, e ne e le matlhare a mantle a pampiri. Tautona o ne a akanya gore o ne a tlaa supegetsa khumagadi sengwe se a neng a sa se itse. O ne a baya tebego ya letlhakore la sefatlhego sa gagwe mo go yone, a bo a e gatisetsa ka mo pampiring e ntle ena. Erile khumagadi a ne a e amogela, o ne a bona tebego ya letlhaore la sefatlhego sa gagwe mo go se e neng e le makgasa a a leswe, maabane, ka gore go ne ga ralala tiragatso nngwe.

<sup>99</sup> Ao, fa Lutere, Wesele, le botlhe ba bone, ba ne ba kgona go bona seo, gore dilwana tsa maabane di ka dirisiwa fela jaaka di tsamaya go ralala tiragatso! Fa Mowa o o Boitshepo o senola Lesedi, go tloga tshiamisong go ya boitshepisong, go ya kolobetsong ya Mowa o o Boitshepo, mme jaanong oura ya bofelo ya go Tla ga Keresete; go na le gone go le mo thadisong, eseng ya khumagadi, fela ya Kgosi ya Legodimo e e Ikemelang, jaaka kereke e fetogile e le gaufi thata le mo bobotlanyaneng, jaaka bodiredi bo tshwanetse bo nne mohuta o o tshwanang wa bodiredi jo A neng a na najo.

<sup>100</sup> Bao ba ba suleng mo pakeng ya ga Lutere, golo kwa botlaseng jwa phiramiti, go tshwana le jalo; eseng thuto ya phiramiti, fela e le fela sekai.

<sup>101</sup> Phiramiti eo e itekanetse thata, fa ope wa lona a kile a nna koo. Wena o ka se kgone go fetisa legare mo teng, ka boutsana. Ba—ba ne ba sena taka mo go yone, go ya ka fa re itseng ka gone. Polane ya yone e ne e le e e gakgamatsang thata! Jaanong, ba latlhegetswe ke lentswê la tlhora. Ga ba itse kwa le leng gone. Jaanong nako e lentswê leo la tlhora le boang, le tlaa nna fela jaaka e e setseng ya yone, le tlaa lomagana mo teng le lentswê le le tlogetsweng le bulegile. Fa lo ka baya lentswê la tlhora mo go yone, e tlaa tshwanela gore e bo e le ka tsela eo.

<sup>102</sup> Mme nako e Jesu a boang, O tlaa fitlhela Kereke e e tlhatswitsweng, e sena selabe kgotsa letsutsuba, mme e tlaa bo e le bodiredi jo bo tshwanang jo A neng a na najo. Bo tlaa busa Lentswê la tlhora.

<sup>103</sup> Jaaka seatla sa me fano, mo moriting. Ke moriti, fela o montsho go feta nako e seatla sa me se santseng se fetoga go nna thata...Ke moriti *fano*, ga mmannete *fano*. Jaaka moriti le sethwantsho se e leng sa mmannete, se nna se se kitlaneng go feta; se le sentsho go feta, se le sentsho go feta, se le sentsho go feta, mme kwa bofelong go lomagana ga mmogo, mme moriti le sethwantsho se e leng sa mmannete di fetoga go nna bongwefela.

<sup>104</sup> Moo ke nako e Kereke le Keresete ba kopanang ga mmogo, jaaka Monyadiwa, ka Mowa o o tshwanang o o neng o le mo go Ene o o tlaa nnang mo go Yone; fa Kereke eo e tswa mo tshiamisong, boitshepisong, kolobetsong ya Mowa o o Boitshepo, go ya ka mo metlheng ya bofelo, mme e betlegela golo kong jaanong e direla go Tla ga Morena.

<sup>105</sup> Ao, o seka wa nna karolo e e magwata mo go Lone, mokaulengwe wa Mopentekoste. Phatsima ka Lefoko mme o dumele bonnyennyane bongwe le bongwe jwa Lone. Lo seka lwa tsena golo ka mo ditumelwaneng tsena le dilong, jaaka re bona go diragala gompieno. Lo seka lwa gakgamala ka ntlha ya seo, ka gore Lentswê la tlhogo le etla, le goa, “Abba, Rara,” mo segautshwaneng thata, “Modimo wa me! Modimo wa me!” Ee, ke dumela seo ka pelo ya me yotlhe.

<sup>106</sup> A lo a go bona? Lo itse se ke se rayang? Ke Keresete jaanong a tsaya makgasa a maabane, Molutere, Momethodisti, Mopresbitheriene, le jalo jalo, mme O go fetisa mo gare ga tiragatso. Mohuta ofeng wa tiragatso? Tiragatso ya Mowa o o Boitshepo; se ba neng ba na naso, le mo gongwe; a go dira go fitlhela A gatelela sethwantsho se e Leng sa Gagwe, fa Kereke le Keresete ba fetoga go nna bangwefela mo kopanong. Modimo, go dumelele! Ke tshepa gore lo a go bona. Fa lo go bona... .

<sup>107</sup> Go nkogotsa ka ga polelo, gore fa tso—tsosoloso e kgolo ya ma Welsh e ne e tsweletse. Banna bangwe ba bagolo fano mo setshabeng ne ba gopotse gore ba tlaa ya ka kwa mme ba bone tsosoloso ya ma Welsh, se se tlaa bong se diragala. Mme erile ba ne ba ile koo, go batlisisa, ba bone gore ke kago efeng e e neng e tshwerwe mo go yone. Erile ba fitlha ko Wales, ba ne ba tsamaya tsamaya, ba simolola go botsa ka ga kwa kago e neng e le gone. Ba ne ba bona leotlananyana le le itumetseng le eme mo kgogometsong, a rwetse hutshenyana ya gagwe ya maotlana, eibile a akga akga thobane ya gagwe jalo. Mme jalo he banna bana ba ne ba tsamaela ko go ene, mme ba re, “Rra, a o ka mpolelela gore ke kago efe e tsosoloso ya ma Welsh e tsholeditsweng mo go yone?”

<sup>108</sup> O ne a re, “Ee, rra, nna ke yone! Nna ke yone!” Gobaneng? O ne a tshollela fa pontsheng boipelo le Lesedi la tsosoloso ya ma Welsh—Welsh mo teng ga gagwe.

<sup>109</sup> Kereke ya Pentekoste e tshwanetse gompieno, ya bo e botsa jalo, “Jesu Keresete, yo o tshwanang maabane, gompieno, le ka bosaeng kae ke Mang?” Lesedi la Gagwe la Efangedi ya Gagwe le tshwanetse le ka bo le phatsimela fa pontsheng ka Lefoko la paka ena, le senolela setšhaba Jesu Keresete, fela jaaka go ne go ntse ka nako ele.

<sup>110</sup> O ne a tletse thata ka tsosoloso ya ma Welsh go tsamaya a ne a le tsosoloso ya ma Welsh.

<sup>111</sup> Re tshwanetse ra bo re tladitswe ka Keresete thata go tsamaya rona—rona re Mmonagatsa ka thata ya Lefoko la Gagwe le re le abetsweng mo motlheng ono. Bakaulengwe, lo seka lwa bo le hubaletse mo dilong tsa lefatshe, lo seka, matshwenyegong ana a a lo tseelang kgakala. Nnang le Efangedi. Elang tlhoko Lefoko lengwe le lengwe! Lo seka lwa boela ko go se rrê mongwe a se buileng. A re yeng gone jaanong ko go se Jesu a se buileng gore se tshwanetse go diragala mo motlheng ona. Ee, rra. Re tshwanetse ra bo re le Lesedi la paka ena, re bonatsa Efangedi. Lutere e ne e le lesedi la gagwe. Wesele ka lesedi la gagwe, Pentekoste e ne e le lesedi la yone. Fela, rona re kgakajana kwa godimo ga tsela jaanong, re tla ka mo Monyadwing, ba ba biditsweng, Moitshenkewi. Gakologelwa, fa o le jalo, wena o fela jaaka leotlana, o ne a na le Lone mo go ena.

<sup>112</sup> Gakologelwang, ena ke paka ya kereke ya bosupa, Paka ya Kereke ya Laodikea. Go ya ka Tshenolo 3, ba gana Keresete. Mo pakeng nngwe le nngwe ya kereke e e neng ya umakiwa mo Baebeleng, Paka ya Laodikea e ne e le e maswe go feta thata ya tsotlhe tsa tsone. E ne ya Mo koba, ya Mo gana, ya Mmaya ka ko ntle.

<sup>113</sup> A lo ne lwa bona ngwedi e fifala, maloba bosigo, pele ga mopapa a ne a ya ka kwa ko Roma, go tswa ko Roma go ya ko Jerusalema? Jerusalema, kereke e kgologolo go feta thata; ngwedi ke setshwantsho sa kereke, e tlhola e bonatsa lesedi la letsatsi, mo boseyong jwa letsatsi, mme e ne ya ntshofala. Ke ne ka tshwantsha seo mo bolekeborotong fano, dingwaga di le tharo kgotsa di le nnê tse di fetileng, mme ka supegetsa dikereke, ko makgolong le diketeng tsa magae go kgabaganya setšhaba. E ne e le eng? Moriti. Lekgetlo la ntlha mopapa le ka nako epe a neng a tloga, go boela fano, a tsena ka—ka leina la ga Paul, le jalo jalo, ne a fologa go ralala mafelo ao; ne a tshwanela go segofatsa noka, go e kgabaganya, le jalo jalo. Ke eng se no—noka e se tlhokelang tshegofatso?

<sup>114</sup> Bothata ke eng ka paka ena ya kereke e re tshelang mo go yone gompieno? A ga lo kgone go go bona? Modimo a go bolela phatlalatsa mo mawaping, a go bolela phatlalatsa mo Lefokong la Gagwe, a go bolela phatlalatsa mo pampiring, a Go bolela phatlalatsa mo gare ga batho? A ga lo kgone go bula

matlho a lona mme lo bone oura? Tsena ke tsone tse di supang Boammaaruri. Mona ke Lesedi la oura.

<sup>115</sup> Elang tlhoko mokgatlho o mogolo wa ekumenikele, o ya ka mo lekgotleng lena golo koo jaanong, go bopa fela setshwantsho sa sebatana, mo go Tshenolo 17, totatota se e rileng e tlaa se dira. Lona batho ba Mapentekoste lo ile go dula lo sisibaletse seo lo bo lo tsena mo go sone? Oura e e pattelelang e tsile.

<sup>116</sup> Jaanong ke nako ya go tsoga le go nyeta dipone tsa lona, le go phatsima ka Efangedi ya ga Jesu Keresete le Thata.

<sup>117</sup> Ke a itse sena ga se dumelosege, fa ba le bantsi ba ditsala tsa me tsa Mapentekoste ba ne ba dutse le mopapa le dilo, mme ba re, "Maikutlo a semowa thata." Mo go nna, gone go—gone go phoso. Go kgatlhanong le Baebele. A Lefoko la Modimo e nne Boammaaruri. Ee, rra. Ke nako jaanong. Re bona dikgato tse dikgolo tsena di diragala mo... Ao, go lebega go le molemo mo leitlhong la tlholego, go tlhomame.

<sup>118</sup> Khaifase o ne a lebega a siame mo go se a neng a se senolela baperesiti, mo motlheng oo, letsatsi lotlhe leo. Fela Jesu ne e le Lesedi le le neng le dira gore Lefoko le tshele, fela makgotla a bona le jalo jalo a ne a foufaditse matlho a bona ko go Lone. O ne a re, "Ba tlogele ba le esi; difofu di etelela difofu pele, botlhe ba tlaa wela mo khuting."

<sup>119</sup> Re boetse ko nakong eo gape, bakaulengwe le bokgaitsadi. Re boetse ko oureng eo gape. Lemogang. Gobaneng? Lebaka le tshwanang.

<sup>120</sup> Re fitlhela gore ma—masedi a magolo ana a re tshedileng mo go one, mo metlheng e e fetileng, a ne a siame, ga re na sepe kgatlhanong le one. Fela, Paka ena ya Kereke ya Laodikea, elang tlhoko, gakologelwang, ke e e gannweng ke Keresete. Mme moo ke totatota se e leng sone jaanong.

<sup>121</sup> Lekgotla le legolo lena le tsamaile go dikologa, go kopanya Maprotestante otlhе ga mmogo, mokgatlho ona wa ekumenikele. Mme o dira eng? O fifatsa lone Lefoko, ka Boone, mme Lefoko ke Keresete. Ba ka dira jang? Fa, Christian Science, le United Brethren, le ba le bantsi ba batho bao mo makgotleng a mangwe a matona, bangwe ba dumela tsalo ya kgarebane, bangwe ba sa dire, bangwe ba dumela *sena le sele*. O ka ipataganya jang le tumologo? "Ba le babedi ba ka tsamaya mmogo jang fa e se ba dumalana?" Tswayang mo gare ga bone mme lo lomologaneng, mme lo tseyeng Lefoko la Modimo le le Boitshepo mme lo nneng mo go Lone.

<sup>122</sup> Jesu Keresete o tlamegile go bonatsa Lefoko la Gagwe. Selo se re se tlhokang gompieno ke go tlhagelela ga Malaki 4. Moporofeti yo mongwe o tlaa tlhatloga ka Leina la Morena Jesu Keresete, mme o tlaa ntsha totatota se A sololeditseng go se dira. Ka ntlha eo, motho ka bofou o tlaa E latlha mme a tsamaele gone ka mo lefifing, jaaka ba tlhotse ba dira.

<sup>123</sup> Elang tlhoko jaanong, re fitlhela gore, lebaka le le tshwanang, gore gompieno, gore bona ba a gana, dikereke di gana Molaetsa, di bapola Lefoko, di ntshetse Lefoko kwa ntle. Jaanong fa o se leloko la yone, o ka se kgone le e leng—o ka se kgone le e leng go nna le kereke ya gago. Ba tlaa e tswala. O tshwanetse o tsene ka mo go one. Fa o sa go dire, o a tswalelwa. Fong ga tweng ka ga gone? Ao, emela Seo se se nepagetseng! Gakologelwang, ke nako ya papolo gape, go batlide.

<sup>124</sup> Lesedi la maaka le ne la baka jo bogolo go gaisa—borukutlhi jo bogolo go gaisa thata jo lefatshe le kileng la nna le jone, ko Engelane, e se bogologolo. Borukutlhi jo bogolo go gaisa thata jo bo kileng jwa diragatswa, bo ne jwa dirwa ka lesedi la maaka. Boukutlhi jwa didolara di le didikadike tse supa bo ne jwa dirwa ka lesedi la maaka le le neng la nyaafatsa terena eo ka, mme Scotland Yards e ne ya se kgone go bona monna yo. Ba ne ba tloga ka gone, ba le matlhajana thata. Moo go ne go itsiwe e le borukutlhi jo bo tona go feta jo bo kileng jwa dirwa ke dirukutlhi, mo tlholegong. Bo ne jwa thukutha lefatshe, borukutlhi jo bogolo go feta thata jwa lone.

<sup>125</sup> Mme boukutlhi jo bogolo go gaisa jo le ka nako nngwe bo kileng jwa dirwa kereke ya ga Jesu Keresete, bo dirilwe ka lesedi la maaka, go benya ga paka nngwe, le go gana Lesedi le le boleletsweng pele la paka ena. Amen. Lesedi la maaka, go benya ga maabane! O sekwa wa tsamaya mo go benyeng ga maabane. Tsamaya mo thuthafalong ya Morwa gompieno. O sekwa wa ikgogela ka mo moriting wa selekoko, o re, “Malatsi a metlholo a fetile.”

<sup>126</sup> Jesu ne a re, “Ditshupo tse di tla latela bao ba ba dumelang: ka Leina la Me ba tla kgoromeletsa ntle bodiabolo, ba tla bua ka diteme tse di ntshwa. Ditshupo tsena di tla ba latela.”

<sup>127</sup> Ba re, “Go siametse baapostolo; eseng ga rona.” Moo ke go benya.

<sup>128</sup> Jesu ne a re, “Ditshupo tse di tla latela bao ba ba dumelang, ko lefatsheng lotlhe.” Ee, rra.

<sup>129</sup> Jaanong bothata ke eng? Go tsamaya mo go benyeng, go bakile borukutlhi jo bogolo go gaisa thata, jo bo ntshitseng Keresete mo kerekeng. Lo a bona, Keresete a ka Iponatsa jang mo Lefokong le le solofeditsweng gompieno, ka tumelo nngwe ya kereke e e tsididi ya maabane? Ga e thuthafatse Peo. Nnyaya, rra. Borukutlhi jo bogolo go gaisa thata jwa kereke!

<sup>130</sup> Thutafetse? Mme, gakologelwang, lesedi leo la tumelo ya kereke le le tsididi ga le na go butswisa Peo ya gompieno. Le latola Peo. Ke mouwane o o leng mo lefatsheng, letobo. Ke nako ya gore Modimo a tlthatloge mme a tshube Lesedi gape, a dire Lefoko la Gagwe le tshele. Go tlhomame, Lesedi! Tumelo eo ya kereke e e tsididi ga e na go butswisa Tlhaka. Yone go tlhomame ga e tle go dira.

Mme, gakologelwang, tlhabologo e tsamaile le letsatsi.

<sup>131</sup> Jaaka ke lo boleletse ko tshimologong, ke tshwanetse ke tlhokomele ditshwantsho, tsela e tholego e tsamayang ka yone. Ga ke na thuto ya go go dira; ga ke e batle. Go botoka ke nne le se ke nang naso, go na le thuto yotlhe mo lefatsheng. Ke na le Jesu Keresete. Ke Mmona a tshela Lefoko la Gagwe gone go ralala, mme moo ke gotlhe mo ke tlhokang go go itse.

<sup>132</sup> Mme fa motho a tsetswe ke Mowa wa Modimo, o tlaa phuruphutsa Lekwalo go bona fa E le karabo ya gompieno. Karabo ya motlha ke Keresete. Keresete ke Lefoko. Fa Lefoko le tla mo botshelong, go supegetsa Lesedi le le solofeleditsweng gompieno. Mo Pakeng ena e e lefifi ya Laodikea, ba le mmalwa fela, “Ba le bantsi jaaka ba ke ba amogelang, Ke a ba otlhaya, Ke a ba kgalemela. Sokologang,” Jesu ne a re, “mme lo boeleng morago.” Boelang ko Lefokong. Ena ke Lefoko. Tlayang ko go Ena. Ee, rra.

<sup>133</sup> Elang Lesedi tlhoko. Le tswa kwa Botlhabatsatsi, le ya kwa bophirima. Re kwa Letshitshing la Bophirima. Le ne le na le dikgato di le tharo, a le ne le sa dire? Le ne le na le dikgato di le tharo. Le ne la kgabaganya metsi, makgetlo a le mararo. Go tswa mo go Paulo, le go kgabaganya Mediterranean, ne la tla ka mo Jeremane, Jeremane e ne ya sedifala ka Luther; le ne la kgabaganya English Channel, go ya ka mo United States mme jaanong . . . go ya ka ko—ko Engelane; go tloga, Engelane, La tla go kgabaganya Pacific, go ya ko United States. Mme e ne ya bereka tsela ya yone go fologa ka molaetsa wa ga Lutere, ga tswelela go fologa go ralala, go fitlhela karolo ya bofelo ya Lone e le fano mo West Coast gape.

<sup>134</sup> Mme go tswa mo go butsweng ga tlhaka, go tswa tsela yotlhe go tswa morago ko go Luther, tsela yotlhe go fologa go ralala paka, go tshwanetse ga bo e le bottlalo jwa Efangedi jaanong, Thata ya Modimo go butswisa. Lesedi le le nnileng la supiwa ka tshiamiso, boitshepiso, paka ya pentekoste, le tshwanetse le butswise Setlhare sa Monyadwi le direla go Tla ga Morena Jesu Keresete; gore Keresete a tle a kgone go bonatswa mo Kerekeng ya Gagwe, e le Motho a le mongwe, Ena le Mosadi wa Gagwe, Ena le Monyadwi wa Gagwe. Amen. Ena ke oura e re tshelang mo go yone. Lena ke Lesedi la mothla. Tsamayang mo go Lone! “Lo bolokesegeng, dikhutlong tsotlhe tsa lefatshe.”

<sup>135</sup> Go benya ga kereke ga motlha ona go ne go tsietsa thata, Jesu ne a bua mo go Matheo 24. O ne a re, “Go tlaa tsietsa bone baitshenkedwi fa go kgonega.” Lo a bona, eseng gore Lutere ga a tle go amogela . . . Lutere o ne a ka se kgone go tsietsa Momethodisti. Momethodisti o ne a ka se kgone go tsietsa Mopentekoste. Go jalo, lo a bona, fela ga tweng ka ga Monyadiwa? Seo ke se se ntshang matlho a Mapentekoste. Eya. Lo a bona, lo ne lwa boela ko tumelong ya lona ya kereke, ko

popegong ya lona, lwa rulaganya, mme lwa nna le segopa sa banna se se lo bolelelang se lo tshwanetseng go se dira.

<sup>136</sup> Baebele e soloftsa dilo tsena. Re tlhoka banna le basadi ba ba tletseng ka Mowa wa Modimo.

<sup>137</sup> Fa o re o na le Mowa wa Modimo mo go wena, mme Modimo a dira tsholofetso nngwe teng Fano, Mowa o o Boitshepo oo o ka Le gatelela jang, lo re, “Sentle, go ka nna ga bo go siametse paka e nngwe. Ga re Le dumele ka tsela eo”? Moo ga se Mowa o o Boitshepo.

<sup>138</sup> Motho yo o tletseng ka Modimo, ena le Lefoko ke bongwefela. Go tlhomame, go jalo. Ke se se dirlweng go tswa mo kopanong, kopano magareng ga Modimo le motho.

<sup>139</sup> Mosadi a ka kgonna jang, yo o ileng go nna monna wa monna, a le yo o ganetsang, a dira dilo tse a sa batleng gore a di dire? Re ka nna matlhomantsi jang le lefatshe, le makoko le makgotla, re bo re gana Lesedi la oura? Go ka dirwa jang, mokaulengwe le kgaitzadi? Ka lorato lwa semodimo le go tlhomphana mongwe le mongwe wa lona, re ka amogela jang dilo tsena? Re ka go utlwa jang? Gone go konopela gone kwa morago mo diropeng tsa rona gape.

<sup>140</sup> Lo sek a lwa kgala Malutere; ka gore, ba ne ba kgala Khatholike. Lo sek a lwa kgala Wesele; ka gore, o ne a kgala Molutere. Lo a bona, jalo, fa o kgala Selo se se diragalang gompieno mme o hulara mo go Sone; fa lo bona dikereke tsa lona di tsena mo mokgatlhong o mogolo ona wa ekumenikele, le jalo jalo jaaka moo, di etelela pele, mongwe le mongwe, ka mo letshwaong la sebatana, mme lo na le one. Batho ba le bantsi ba dipelo tse di tshepegang ba tsena gone ka tlhamallo mo go gone.

Wa re, “Bone ke batho ba ba siameng, batho ba ba boitshepo.”

<sup>141</sup> Baperesiti bao ba ne ba le jalo. Fa ke ne ke tshwanetse go tsaya boitshepo jwa ga Jesu Keresete, kgotsa maungo a Mowa, ba le bantsi ba lona lo ile mo go sena... Jaanong, ke sa go tlhokomologeng. Ke dumela Lefoko lengwe le lengwe la gone.

<sup>142</sup> Ba le bantsi ba tlaa re, “Ao, ke buile ka diteme. Ke na Nao.” Moo ga se One. Nyaya, rra.

Ba le bantsi ba bone ba re, “Leungo la Mowa, moo ke Gone.” A Go jalo?

<sup>143</sup> A re beyeng Jesu mo tekong (Modimo, a intshwarele) motsotso. Mpe re le tlhatloseng, mme ke tlaa nna moperesiti. Ke tlaa lo raya ke re, “Mogoma yo monnye yona, yo o tlang ka mo motseng, a bidiwang Jesu wa Nasaretha. Lo sek a lwa Mo reetsa. Re dumela leungo la Mowa. Jaanong lebang yona fano, moperesiti wa lona wa kgale yo o pelotlhomogi. Ena, rraagwemogolo, rraagwemogolo-golwane, botlhe ba ne ba le baperesiti. O ne a ntsha setlhabelo, botshelo jotlhe jwa gagwe

jwa bonana. O ne a nna gone mo seminareng. O ne a lebelela, o ne a dumela, o—o ne a dira sengwe le sengwe se ba kileng ba ba ba se mo ruta. O itse Lekwalo, go tloga go A go ya go Z. Ena ebile o a Le kwala, ka boene. O kwala Dikwalo, ka boene, bakwadi ba a dira. Mme ena ke yona, monna yo o siameng thata! Lo a itse ena o jalo.

<sup>144</sup> “Go diragetseng fa mmaago a ne a go belega? Ke mang yo neng a ema fa thoko ga bolao jwa gago? Moperesiti yoo wa kgale yo o pelotlhomo. Fa mma le ntate ba ne ba ile go kgaogana, ke mang yo neng a baya mabogo a bone go dikologa bone bottlhe mme a ba gogela morago ko Modimong? Moperesiti yoo yo o pelotlhomo. Eya.

<sup>145</sup> “Mme fano Jehofa o tlhoka kwana ya setlhabelo, a direla boleo. Borakgwebo, ba nna mo metseng fano mme ba—ba rekisa dithoto tsa bone, le—le jalo jalo, ditswamorago tsa bone le thobo, le fa e le eng se ba ileng go se rekisa. Ga ba rue dikwana. Mme ke eng se baperesiti ba neng ba se dira? Ne a dira lefelonyana la go rekisa foo, gore bone ba rekise dikwana, gore monna yona a kgone go tsena, a phefafatse mowa wa gagwe wa botho le Jehofa.

<sup>146</sup> “Ke eng se mogoma yona, Jesu wa Nasaretha, a se dirileng? Ke kereke efe e A neng a tswa kwa go yone? Ke lekoko lefeng le A leng leloko la lone? Ke karata efeng ya kabalan? Re tlaa Mo koba. Ga re tle go nna le sepe se se amanang le Ena, ka gore O kgala mongwe le mongwe wa rona. O ne a dira eng? O ya golo koo a bo a tsaya seo, fa batho ba leka go dira gore mewa ya bona ya botho e bolokesege, kereke,” jaaka re tlaa e bitsa gompieno, lona batho ba ba nang le monagano wa semowa, “O ne a ragakaka ditafole, ne a latlhela tshentshi kwa ntle; ne a tsaya dikgole a bo a di loga, a bo a ba koba; mme a bitsa moperesiti yole wa kgale yo o poifoModimo wa lona, ‘morwa diabolo,’ monnamogolo yoo yo o pelotlhomo. yoneng a lo adima madi ao fa lo ne lo le mo bothateng.

<sup>147</sup> “Ke mang yo o ileng go ema le wena a bo a go boloka fa o sole? Moperesiti yole wa kgale yo o pelotlhomo. O na le leungo la Mowa. Fela a Jesu yona wa Nasaretha o na le leungo la Mowa?”

<sup>148</sup> O ka se kgone go atlholka ka go bua ka diteme, le e seng go atlholka ka leungo la Mowa. Fela ke ka ponatsho ya Lefoko la Modimo, le tlisitswe mo Leseding. Ke Lesedi le le go dirang.

Motho yo o tsamayang mo Leseding leo! Jesu Keresete o ne a sa fithelwe mo go bueng ka diteme, le fa A go dirile. O ne a se leungo la Mowa, le fa A ne a dirile. O ne o ka se kgone go go atlholka. Fela O ne a dumela a bo a Le gatelela, mme Modimo o ne a tshela Lefoko lengwe le lengwe la tsholofetso ya motlha oo ka Ena. Moo ke Lesedi la oura. Moo ke bosupi.

<sup>149</sup> Fa motho a mpolelela gore Mowa o o Boitshepo o fologela mo go bone o tlaa latola Lefoko la Modimo le le jalo, go na le sengwe se se phoso ka gone. Go na le sengwe se se phoso ka diseminari

tsa rona, le jalo jalo, fa ba ruta motho dithuto tsotlhe tsena tsa tumelo le bodumedi tse di patelelang batho go dumela le dilwana tsa gompieno. Banna bao ba ne ba tlaa dira se se tshwanang kgatlhanong le Lefoko la Modimo, mme ba ba etelele pele gone ka ko botlhabelong joo jwa ekumenikele golo koo, gobaneng, ka tlhomamo, go phoso.

<sup>150</sup> Ke bua seo ka Leina la Morena! Lo eleng tlhoko mme lo boneng fa E se nnete, Lesedi, Lesedi la oura!

<sup>151</sup> Ditumelo tseo tsa kereke tse di tsididi ga di kitla di tlisa thobo. Re tshwanetse re nne le Kereke e etlhapileng mo Mading a Kwana, mme re fetoge re nne bangwefela le Lefoko, re nne Kereke.

<sup>152</sup> Go benya ga dikereke ga motlha ona, Jesu ne a re, go tsietsa thata, “go batlile Baitshenkedwi fa go ne go kgonega.” Baitshenkedwi fela! “Fela jaaka go ne go ntse mo metlheng ya ga Noa, nako e mewa ya botho e ferabobedi e neng ya bolokwa, go tlaa nna jalo mo go Tleng ga Morwa motho.” Ba le mmalwa thata, thata ba tlaa rekegelwa ka nako eo.

<sup>153</sup> Go dira eng? Go etelela pele gone kwa kganyaolong. Re fitlhela gore mo lefifing lena la jaanong le re tshelang mo go lone. Ke a tswala, ka go bua sena. Mo lefifing lena la jaanong le re tshelang mo go lone, malatsi ano a re tshelang mo go one jaanong, motlheng Lesedi le setse le kobilwe ko magodimong, Le kobilwe fano mo gare, mo pontsheng, go re supegetsat; go supile ka Baebele, ka Dikano tse Supa, se se neng se diragala. Mme fano Modimo o go bolela gone mo legodimong, o tlaa gone fa tlase mme a go bolele phatlalatsa mo lefatsheng. Mme dikereke di tsena gone ka mo go gone!

<sup>154</sup> Ke mang yo o tlaa bolokang Monyadiwa yo monnye yoo yo o tshegetsang Lefoko ka nako eo? Ke eng se se ileng go Mo diragalela fa A kobelwa ka ko botsididing, ka Boene? Ene ga a tle go tsidifala, Lefoko le le rurifaditsweng la tsholofetso motlheng ono. Ao, ee. Go jaaka le...

<sup>155</sup> Go a tsietsa, ke a itse go jalo, mo bathong, go bona kereke e bua fela e re, “Sentle, go batlile fela e le selo se se tshwanang.” Jesu ne a re go tlaa nna ka tsela eo. Go tlaa nna jalo, go tsamaya, “Go tlaa tsietsa bone Baitshenkedwi fa go ne go kgonega.” Ao, ee. Ee, rra.

<sup>156</sup> Go nkogotsa fela ka ga mogoma ko Florida, e se bogologolo. O ne a bua, ne a re o ne a na le koloi ya Chevrolet e e neng mo timela ko Florida, mme ne a re o ne a e isa ko karatsheng. Mme makhenek yona o ne a tswelela foo, mme o ne a rulaganya sengwe le sengwe se siame, mme o ne a se kgone go e dira gore e dume. O ne a tsentse sengwe le sengwe mo go yone, se a neng a ka se kgona. O ne a ntšhwafatsa dilo tsotlhe tsena tse di farologaneng, fela, sengwe se sele, yone fela e ne ya se batle go dira. Mme o ne a sa kgone go e dira gore e dume. O ne fela

a tswelela a leka ebole a leka. Makheneke yo monnye o ne a le mafafa, a siana siana, gongwe le gongwe mo kagong, a sela sena.

<sup>157</sup> Mme monna yo a eme, a re, “Ke letetse koloi ya me, rra. Ke thari. A ga o kgone go e siamisa?”

<sup>158</sup> O ne a re, “Ke dira gotlhe mo nka go dirang,” a neng a le mafafa tota ebole a tswelela. Mme o ne a tsamaya tsamaya.

<sup>159</sup> Ka tlhamallo lekau le le apereng sentle ne la tsamaela kong la bo la mo leba metsots e le mmalwa, mme o ne a raya makheneke a re, morago ga a sena go mo lettelela a itaagantshe tlhogo ya gagwe lobakanyana, o ne a re, “Goreng wena o sa kgome fela sena? Wena ga o bone moela ope wa motlakase.”

<sup>160</sup> Jalo he o ne a re, “Nna ga ke ise ke ko ke akanye ka ga seo.” Jalo he o ne fela a tshuba selwana se sengwe seo, le fa e le eng se e neng e le sone foo, mme o ne a tsenya mo—moela motlakase mo teng, koloi e ne ya duma.

<sup>161</sup> O ne a retologa a bo a re, “Wena o mang?” Lo itse yo a neng a le ene? Ramothudi yo mogolo wa ge—wa General Motor. O ne a dirile selo se. O ne a se tlhamile.

<sup>162</sup> Mo oureng ena, mokaulengwe, fa re ipotsa se e leng bothata ka tsosoloso ya rona, bothata ke eng? Re na le didiriswi le sengwe le sengwe, re na le didiriswi, fela Thata ya didiriswi e kae? Seo ke se re se tlhokang, go tlisa Jesu Keresete mo teng ga tiragalo. Bothata ke eng? Ke a go bolelela, go na le Mongwe fano gompieno, haleluya, yo o bidiwang Mowa o o Boitshepo, yo o ka kgonang go ama Thata ya didiriswi. Ena ke Thata ya didiriswi.

<sup>163</sup> Re a ema gompieno, rona Mapentekoste, nngwe ya dikereke tse dikgolo go feta thata mo setshabeng, dikete di ntsifaditswe ka dikete di okeditswe ngwaga le ngwaga, fela Mowa o o Boitshepo oo o kae? Re go amogetse, ka go bua ka diteme, mme re bone ka fa go itshwarwang ka teng ka ntlha ya gone. Methodisti e ne ya go amogela, ka go thela loshalaba. Lutere o go amogela, ka tumelo, le jalo jalo. Moo ga se Gone.

<sup>164</sup> Ke Lefoko! Ke Lefoko le tshubilwe, Lesedi le tshuba didiriswi mme di fetoga go nna Thata ya didiriswi. One ke Thata ya didiriswi, fa Thata ya didiriswi, fa Thata ya didiriswi e goroga kwa didirisweng. E simolola go dira selo se se kgokologe. Go ntse jalo. Tsaya Lefoko. Fa go na le selonyana se le sengwe se se phoso, mo go Lone, ga e tle go duma. Baya fa thoko bokete bongwe le bongwe, tsamaiso nngwe le nngwe ya ditumelwana, tumelo nngwe le nngwe ya kereke, gore Thata ya didiriswi, Mowa o o Boitshepo, o tle o elele go ralala Lefoko mme o rurifatse Lefoko le le sololeditsweng la motlha ona; fong Kereke e kgolo ya Modimo e tlaa ema ka dinao tsa yone jaaka sefofane sa jete se se kgarameditsweng kwa pele, e fofele kwa mawaping go kgatlhana le Mong wa yone. Go ntse jalo totatota. Go fitlhela re dira seo, ga go tle go bereka. Moo ke mo go leng

ka ga gone. Ee, rra. Ke mang yo o tlaa go dirang? Ke mang yo o tlaa go tshegetsang mo motlheng ono o re akanyang ka ga one? Gakologelwa, gakologelwa, mokaulengwe.

<sup>165</sup> Jaanong go nkgopotsa ka ga polelwana nngwe. Ke sa boeleng ko dipolelong, fela tsala ya me e ne e eme ko Carlsbad, New Mexico, fa re ne re le koo re tshwere bokopano golo ko Carlsbad. Mme go ne go na le segopa sa batho ba ba neng ba fologela ka mo logageng lena.

<sup>166</sup> Ao, nna—nna ga ke ise ke ko ke rate dilwana tseo, golo koo kwa go leng boteng gone, mme go ka nna mmaele ka mo mmung. Nna, ke kgotsofetse golo fano. Jalo he, ba ne ba tswelela ba ya ko tlase. Ke batla go ya kwa godimo go feta, eseng kwa tlase go feta. Jalo he nna ke . . .

<sup>167</sup> Ba ne ba tsaya mogoma yona, ba fologela teng koo. Mme o ne a le tsala ya monna, mme mosetsanyana le mosimanyana wa gagwe ba ne ba fologa le bone. Mme—mme ba ne ba ya kgakala kwa tlase ka ko bonnong jo bo kwa tlase, ao, ke a fopholetsa, makgolo le makgolo le makgolo a dikgato kwa tlase ga bogodimo jwa lefatshe, ba ne ba fologela koo. Mme monna yo fa konopong ya go tshuba, ka tshoganetso [Mokaulengwe Branham o thwantsha menwana ya gagwe—Mor.] ne a tima konopo ya go tshuba. Mme go ne go le go ntsho le lefifi thata, go fitlhela o ne o ka se kgone le e leng go bona seatla sa gago se ya ko tlase fa pele ga sefatlhogo sa gago. Mosetsanyana, selonyana, o ne a tshogile tota. O ne a simolola go goelela ko godimo ga lentswe la gagwe, “Ao, go lefifi! Go lefifi! Go lefifi,” a lela ka tsietsi e kgolo.

<sup>168</sup> Morwarraagwe yo monnye ne ga diragala gore o ne a eme. O ne a goeletsa mo lefifing, o ne a re, “Se boife, kgaitadi yo monnye, go na le monna fano yo o ka tshubang lesedi.”

<sup>169</sup> Haleluya! Ke eng se Kereke e nnye e ileng go se dira? O sekwa tshwenyega. Go na le Monna fano gompieno yo o ka tshubang Lesedi, yoo ke Morena Jesu Keresete. Ao, eya. Morena Jesu Keresete!

<sup>170</sup> Gakologelwang, ba ba foufetseng . . . ba—bahumi mo metlheng ya tsalo ya ga Jesu, ba ne ba sa nyeriswa marapo le go foufadiwa ke go benya ga Jerusalema fa ba ne ba fitlha koo, ba ne ba botsa ka ga Ena. Dithuto tsa bona tsa tumelo le bodumedi—dithuto tsa tumelo le bodumedi di ne di sa kgone go go tlhalosa. Fela erile ba fapogela ka fa thoko, ba ne ba E latela go ya Leseding la Bosakhutleng.

<sup>171</sup> Lona borakgwebo gompieno, lo sekwa lwa ela tlhoko go benya ga makgotla ana, fela tshwarelelang mo Lefokong. Le lo etelela pele kwa Leseding. O se boife, kgaitadi yo monnye, go na le Monna fano Yo o ka tshubang Masedi. Go na le Keresete fano Yo o ka dirang Lefoko la Gagwe le tshele fela go tshwana jaaka

A ne a ntse ka nako ele, a Ithurifatse gore O tshwana maabane,  
gompieno, le ka bosaeng kae. A lo a go dumela?

A re emeng.

<sup>172</sup> Ke na le metsotso e le lesome le botlhano pele ga nako ya go  
ya ko bokopanong jo bo latelang. A lo tlaa rata go tsholetsa diatla  
tsa lona mme lo re, “Modimo, tshuba lobone mo go nna, mosong  
ono. Ke dumela Lefoko. Ke dumela didirisiva. Tsenya Thata ya  
didirisiva mo go nna, Morena”? Tsholetsa diatla tsa gago mme  
o Mo lelele, “Morena, tshuba Masedi!” Go na le Monna fano yo  
o kgonang go tshuba Dipone. Re sule, mo bokomonising, mme  
re jelwe ke mehuta yotlhe ya boijane jwa makgotla, fela go na le  
Monna fano Yo o ka tshubang Dipone. Monna yoo ke Mowa o o  
Boitshepo, ka Sebele, Jesu Keresete a bonaditswe mo Moweng!

<sup>173</sup> Morena Jesu, ama sengwe le sengwe sa diatla tsena; eseng  
fela diatla, fela siana go fologa letsogo go ya kwa pelong, mme o  
tshube Lesedi la Efangedi. Ka Leina la Jesu! 

*TSHUBA LOBONÉ* TSW64-0125  
(Turn On The Light)

Molaêtsa o ka Mokaulengwe William Marrion Branham, o nê wa rérwa la ntlha ka Sekgowa mo mosong wa Lamatlhatso, Ferikgong 25, 1964, go direlwa sefitlholo sa Full Gospel Business Men's Fellowship International kwa Ramada Inn ko Phoenix, Arizona, U.S.A., o tsêrwe mô theiping ya makenete mme wa gatisiwa ka Sekgowa o sa khutswafadiwa. Phuthololô e ya Setswana e gatisitswê le go abiwa ke ba ga Voice Of God Recordings.

TSWANA

©2023 VGR, ALL RIGHTS RESERVED

VOICE OF GOD RECORDINGS, SOUTH AFRICA OFFICE  
58 DISA ROAD, ADMIRAL'S PARK, GORDON'S BAY 7140 WESTERN CAPE  
REPUBLIC OF SOUTH AFRICA

VOICE OF GOD RECORDINGS  
P.O. Box 950, JEFFERSONVILLE, INDIANA 47131 U.S.A.  
[www.branham.org](http://www.branham.org)

## Kitsisô ka tetlokhopi

Ditshiamelo tsotlhe di sireleditswe. Buka e e ka gatisiwa fa motšhineng wa go gatisa wa ka fa lelapêng gore e dirisiwe ka namana kgotsa gore e abêlanwe, go se tuêdisô epê, e le sedirisiwa sa go gasa Efangele ya Jesu Keresete. Buka e ga e ka ke e rekisiwe, e boelediwe ka bontsi, e baiwe fa webosaeteng, e bolokiwe mo mofuteng oo e ka tlhagisiwang gape ka one, e fetolêlwé go maleme a mangwe kgotsa e dirisiwe go kgobokanya madi kwa ntle ga tetla e e kwadilweng ya Voice Of God Recordings®.

Go ka bolêlêlwá go feta fa kgotsa go ka itse ka dilo tse dingwe tse di leng têng, tswêêtswêê, ikamanye le ba ga:

VOICE OF GOD RECORDINGS  
P.O. Box 950, JEFFERSONVILLE, INDIANA 47131 U.S.A.  
[www.branham.org](http://www.branham.org)